



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 03 » 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 4 3 - 2 1

Ձեռնարկողը՝

«Հիդրո» ՍՊԸ

ք. Սիսիան, Շիրվանզադեյի փող. շենք 5.

Գործունեությունը՝

**Վաղապիսի ավազակոպճային խառնուրդի երևակման
տարածքում 2020-2021թ.թ. ընթացքում օգտակար հանածոյի
երկրաբանական ուսումնասիրության շրջակա միջավայրի վրա
ազդեցության նախնական գնահատման հայտ
Սյունիքի մարզ**

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ **0 0 4 3 - 2 1**

< **03** > **03** 2021թ.

Վաղատինի ավազակոպճային խառնուրդի երևակման տարածքում 2020-2021թ.թ. ընթացքում օգտակար հանածոյի երկրաբանական ուսումնասիրության շրջակա միջավայրի վրա ազդեցության նախնական գնահատման հայտ

Ձեռնարկող՝

«Հիդրո» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Սյունիքի մարզ, Վաղատին բնակավայր

Ներածական մաս. Սյունիքի մարզի Վաղատինի ավազակոպճային խառնուրդի երևակման տարածքում նախատեսվում է իրականացնել օգտակար հանածոյի երկրաբանական ուսումնասիրության աշխատանքներ:

Վաղատինի ավազակոպճային խառնուրդի երևակման տեղամասը գտնվում է Սյունիքի մարզի Վաղատին բնակավայրի վարչական տարածքում: Երևակման հեռավորությունը Նորավան գյուղի բնակելի տներից կազմում է 2.4կմ, Նորավան գյուղի գյուղ.արտադրական համալիրից՝ 1.7կմ, Վաղատին գյուղի բնակելի տներից՝ 1.5կմ: Մոտակա բնակավայրերն են Գորայք, Ծղուկ, Անգեղակոթ, Սառնակունք և Շաքի գյուղերը: Երևակման հողերը ներկայացված են գյուղատնտեսական նպատակային նշանակության այլ հողերով:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործնության տեսակ:

Նկարագրական մաս. Երևակման ավազակոպճային խառնուրդը նախատեսվում է ուսումնասիրել որպես հումք շինարարական խճի և ավազի, ինչպես նաև ճանապարհաշինարարական պաստառահումքի արտադրության համար:

Օգտակար հանածոն իր որակական հատկություններով պետք է բավարարի ՀՍ ԲՕԾ 8267-95 «Խիճ և կոպիճ խիտ լեռնային ապարներից շինարարական աշխատանքների համար» ՀՍ ԲՕԾ 8736-2014 և «Ավազ շինարարական աշխատանքների համար» տեխնիկական պահանջներին համապատասխան վերջնաարտադրանքների ստացումով:

Երկրաբանահետախուզական աշխատանքները կիրականացվեն երկրաբանահանության երթուղիների, հորատանցքերի ու մաքրվացքների անցման



միջոցով՝ հաշվի առնելով նաև բնական և արհեստական մերկացումները, որը կուղեկցվի համապատասխան փաստագրման և նմուշարկման աշխատանքների համալիրով:

Օգտակար հանածոյի որակական հատկությունների (ֆիզիկատեխնիկական ցուցանիշների) ուսումնասիրությունները կիրականացվեն մասնագիտացված լաբորատորիայում: Կկատարվեն նաև օգտակար հանածոյի քիմիական և միներալոգիական ուսումնասիրություններ:

Սյունիքի մարզի Վաղատինի ԱԿԽ-ի երևակման ծայրակետային կոորդինատները ARM WGS-84 կոորդինատային համակարգով հետևյալն է.

X ₁ - 4377336	Y ₁ - 8596337
X ₂ - 4377478	Y ₂ - 8596429
X ₃ - 4377662	Y ₃ - 8596477
X ₄ - 4377478	Y ₄ - 8596554
X ₅ - 4377296	Y ₅ - 8596406

Երևակման տարածքի երկրաբանական կառուցվածքի ճշգրտման, քարտեզագրման նպատակով (1:1000 մասշտաբի) նախատեսվում է 3.0հա մակերեսով տարածքում կատարել երկրաբանահանույթային աշխատանքներ:

Հորատման աշխատանքները կիրականացվեն սյունակային հորատման ուղղաձիգ հորատանցքերի հորատման միջոցով: Հորատումը կկատարվի կարծր համաձուլվածքային թագիկներով՝ 132-112մ տրամագծով: Նախատեսվում է հորատել մինչև 37-55 մետր խորության 4 հորատանցքեր՝ 191.0մ ընդհանուր ծավալով, հորատահանուկի նվազագույն ելքը՝ 80%:

Հորատվող ապարները համապատասխանում են հետևյալ կարգերին:

- Ժամանակակից դեյուվիալ առաջացումներ - IV կարգ
- ավազակոպիճ - VI կարգ:

Նախատեսվում է հորատող հաստոցի 4 տեղակայում և տեղահանում:

Օգտակար հանածոյի մարմնի եզրագծման, ուսումնասիրման և նմուշարկման նպատակով նախատեսվում է 3 մաքրվացքների անցում: Այդ աշխատանքները կիրականացվեն մեխանիկական եղանակով՝ էքսկավատորով VI կարգի ամրության ապարներում, 30գծ.մ ընդհանուր ծավալով:

Մանրամասն երկրաբանական փաստագրման ենթակա են բոլոր հորատանցքերը, մաքրվացքները և մերկացումները: Երկրաբանական փաստարման աշխատանքները նախատեսվում է կատարել 1:50 մասշտաբով: Այդ աշխատանքների ծավալը նախատեսում է՝

- հորատացքի հանուկի - 191գծ.մ.
- մաքրվացքներ - 30.0գծ.մ.

Նախատեսվում է մաքրվացքների անցման ընթացքում, դաշտային պայմաններում երեք կետում որոշել բնամասում ԱԿԽ-ի ծավալային զանգվածը, ինչպես նաև հումքի փխրեցման գործակիցը:

Ավազակոպճային խառնուրդը նախատեսվում է ուսումնասիրել որպես հումք շինարարական խճի և ավազի արտադրության համար:

Օգտակար հանածոյի որակական հատկանիշները պարզաբանելու համար նախատեսվում է վերցնել նմուշներ հորատանցքի հորատահանուկից, մաքրվացքներից և մերկացումներից:



Մաքրվացքներից նախատեսնվում է վերցնել 3 նմուշ ֆիզիկամեխանիկական փորձարկումների համար, 3 նմուշ քիմիական անալիզների և 3 նմուշ միներալոգո-պետրոգրաֆիական ուսումնասիրությունների համար: Նմուշարկումը կիրականացվի ակոսային եղանակով՝ օգտակար հանածոյի ամբողջ հզորությամբ, ակոսի կտրվածքը՝ 0.3 x 0.1մ չափերով: Յուրաքանչյուր նմուշի կշիռը բազմափուլ կրճատումից հետո նախատեսվում է հասցնել 30կգ-ի: Հորատահանուկից՝ 34 նմուշ /նմուշի երկարությունը 5մ միջակայքով/ :

- օգտագործված յուղերի ու քսայուղերի հավաքում առանձին տարրաների մեջ՝ հետագա ուտիլիզացման կամ երկրորդական վերամշակման համար,

- հնամաշ դետալների ու մասերի հավաքում հատկացված առանձին տեղում և հանձնում որպես մետաղական ջարդոն,

- կենցաղային աղբի կուտակում առավելագույնը 35լ տարողությամբ տոպրակների մեջ և տեղափոխում Գորիսի կամ Սիսիանի քաղաքային համայնքի աղբամաններ, որտեղից պարբերաբար կոմունալ ծառայության կողմից կտեղափոխվեն աղբավայր:

- տարածքում աշխատող տեխնիկական պարտադիր պետք է լինեն սարքին վիճակում և ունենան արտաթորվող թունավոր նյութերի չեզոքացուցիչ և ձայնախլացուցիչ սարքեր,

- փոշենստեցման նպատակով փոշեառաջացման օջախի մուտքային ավտոճանապարհի ջրում տարվա չոր և շոգ եղանակներին: Ջուրը նախատեսվում է բերել համապատասխան ջրօգտագործման պայմանագրերի համաձայն՝ մոտակա բնակավայրերից, ավտոցիստեռնով: Խմելու շալցված ջուրը գնվելու է մոտակա բնակավայրերի խանութներից և տեղափոխվելու է երևակման տարածք աշխատանքները սպասարկող մեքենայով,

- կեղտաջրերի հավաքում հորատիպ զուգարանում, որը դատարկում է հատուկ ծառայության ուժերով,

- խախտված տարածքների ռեկուլտիվացիա,

- ըստ կիրառելիության ՀՀ կառավարության 31.07.2014թ.-ի N 781-Ն որոշման դրույթների ապահովում:

Երկրաբանական ուսումնասիրության աշխատանքների ընթացքում «Հիդրո» ՍՊ ընկերությունը իրականացնելու է շրջակա միջավայրի վրա բացասական ազդեցության կանխարգելմանը և մեղմացմանն ուղղված հետևյալ մշտադիտարկումները.

- մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ, հորատման, մակերևութային փորվածքների անցման շրջանում, շաբաթական մեկ անգամ հաճախականությամբ,

- օգտագործված մեքենայական յուղերով ու քսայուղերով, աղտոտիչ նյութերով հայցվող տեղամասի հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ:

- նավթամթերքներով տեղամասում հողերի աղտոտվածության մոնիթորինգ՝ տարեկան մեկ անգամ հաճախականությամբ,

- երևակմանը հարակից՝ գետակի ջրերի մոնիթորինգ շաբաթական մեկ անգամ հաճախականությամբ,

- երևակման հարակից տարածքում կենսաբազմազնության մոնիթորինգ:

Պատճառաբանական մաս. Սյունիքի մարզի Սիսյան համայնքում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, արտակարգ իրավիճակների, կրթության, գիտության, մշակույթի և սպորտի, պաշտպանության, նախարարությունները, ինչպես նաև Սյունիքի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:



Փորձաքննական պահանջներ

- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:

- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Հիդրո» ՍՊԸ կողմից ներկայացված Սյունիքի մարզի Վաղատինի ավազակոպճային խառնուրդի երևակման տարածքում 2020-2021թ.թ. ընթացքում օգտակար հանածոյի երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ



Հ. Մեսրոպյան